



ЎЗ ТАНЛОВИНГИЗНИ  
АМАЛГА ОШИРИНГ!

ҚОЗОҒИСТОН РЕСПУБЛИКАСИ  
ПАРЛАМЕНТ МАЖЛИСИ ВА  
МАСЛАҲАТЛАРИГА

САЙЛОВ

# Жанубий ҚОЗОҒИСТОН

janubiy.kz

1991 йил 5 апрелдан чиқа бошлаган  
Сешанба, пайшанба ва шанба кунлари чиқади

2023 йил 2 март, пайшанба, №24 (3220).

● Президент

## ПРЕЗИДЕНТ АҚШ ДАВЛАТ КОТИБИ ЭНТОНИ БЛИНКЕННИ ҚАБУЛ ҚИЛДИ

Қозоғистон Республикаси Президенти Қасим-Жумарт Тўқаев АҚШ Давлат котиби Энтони Блинкенни қабул қилди.

Учрашувда Давлат раҳбари Қозоғистон ва АҚШ ўртасида дипломатик муносабатлар ўрнатилганидан буён икки томонлама ўзаро манфаатли фаолият йўлга қўйилганини таъкидлади.

– Сизнинг ташрифингиз стратегик ҳамкорликни мустақамлашга янги туртки бериш нуқтаи назаридан жуда муҳим. Хавфсизлик, энергетика, савдо ва сармоя каби муҳим стратегик соҳаларда ҳамкорлик алоқаларимиз мустақамланмоқда. Фурсатдан фойдаланиб, Америка Қўшма Штатларининг мустақиллигимиз, ҳудудий яхлитлигимиз ва суверенитетимиз учун доимо қўллаб-қувватлаб келаётгани учун миннатдорчилик билдираман, – деди Президент.

Давлат раҳбари иқтисодий ҳамкорлик ҳақида фикр юритар экан, АҚШ Қозоғистоннинг энг йирик сармоядори бўлиб, 62 миллиард доллардан зиёд сармоя киритганини таъкидлади.

Қасим-Жумарт Тўқаев Марказий Осиё давлатлари ва АҚШ ташқи сиёсат идоралари раҳбарларининг Астана шаҳрида ўтадиган учрашуви муҳим аҳамиятга молик эканини таъкидлаб, Қўшма Штатларнинг G5+1 шакли доирасидаги ҳамкорликни мустақамлашга қаратилган саъй-ҳаракатларини олқишлади. (G5+1 доирасидаги анжуман АҚШ, Қозоғистон, Қирғизистон, Тожикистон, Туркменистон ва Ўзбекистон ўртасида иқтисодий, энергетика, атраф-муҳит ва хавфсизлик соҳасидаги ҳамкорликни мустақамлашга қаратилган).

Ўз навбатида АҚШ Давлат котиби Қасим-Жумарт Тўқаевга меҳмондўстлиги учун миннатдорчилик билдирди ва АҚШ Президентининг саломини етказди.



– 30 йилдан зиёд давр мобайнида эришилган салмоқли муваффақиятларни икки томонлама миқёсда ривожлантириш, шериклик муносабатларимизни чуқурлаштириш ва мустақамлашга муҳим аҳамият касб этмоқда. Умид қиламанки, биз ҳамкасбларимиз – ташқи ишлар вазирлари билан биргаликда минтақани бирлаштиришга қаратилган мустақам ва яқин муносабатларни ўрнатиш борасидаги тадбирларда иштирок этамиз. Уйлайманки, бу Мар-

казий Осиё ва АҚШ халқлари учун фойдали бўлади. Бу ерга келиб, ҳамкорлигимизни мустақамлашга ҳисса қўшганимдан мамнунман, – деди Энтони Блинкен.

Бундан ташқари, америкалик дипломат Қозоғистондаги сиёсий ва иқтисодий ўзгаришларни юксак баҳолади.

Akorda.kz.

## ТУРКИЙ ДАВЛАТЛАР ТАШКИЛОТИГА ОҚ ЙЎЛ ТИЛАДИ

АҚШдаги бизнес муҳит бўйича эксперт, профессор Уэсли Хилл Туркий давлатлар ташкилотининг истиқболли ҳақида фикр билдирди.

Эксперт Қўшма Штатлар Туркий давлатлар ташкилотининг мустақамлашиши ва 2023 йилда Қозоғистонда ўтказиладиган ўнинчи саммитга тилақдош эканини таъкидлади.

Уэсли Хиллнинг фикрича, Туркий давлатлар ташкилотининг афзалликлари жуда кўп: у Марказий Осиёдаги минтақавий ва маданий алоқаларни мустақамлайди, Туркия, Грузия, Озарбайжон ва Марказий Осиё орқали Европа Иттифоқиға юк ташини йўлаги самарадорлигини оширади ва Марказий Осиё давлатларига ўз иқтисодийига сармоя киритишда ёрдам беради.

– АҚШ Туркий давлатлар ташкилоти доирасида амалга оширилаётган молиявий, логистика ва энергетика лойиҳаларини қўллаб-қувватлайди. АҚШ бу ташкилотни зарур энергия захираларига эга, Европани ўз ичига олган жуда муҳим тузилма сифатида тасаввур қилади. Қолаверса, Америка томони Туркий давлатлар ташкилотини Европа энергия бозорига рақобатчи деб ҳисобламайди. Чунки Европа Иттифоқининг энергия захираларига талаби жуда катта. Аммо Туркий ташкилотга аъзо давлатлардан қайси бири АҚШ учун энг муҳим ҳамкор экани борасида экспертлар турлича фикр билдирмоқда. Уэсли Хиллнинг фикрича, АҚШ, айниқса, Туркия ва Озарбайжонга яқин. Вашингтон учун Анқара айрим масалаларда муносабатлардаги зиддиятларга қарамай, минтақадаги энг ишончли ҳамкор ҳисобланади. Озарбайжон эса Европанинг энергия хавфсизлиги нуқтаи назаридан АҚШ учун муҳим ҳамкордир, – деди АҚШдаги бизнес муҳити бўйича эксперт.

Қозоғистонда эса Америка бизнесининг улуши устунлик қилади. Икки давлат ўртасидаги иқтисодий алоқалар бой тарихга эга.

Эксперт АҚШ – Туркий давлатлар ташкилотининг хавфсизлик масаласидаги ҳамкорлигига бетараф нуқтаи назарга эга эканлигини, ташкилот ичидаги алоқаларда эса иқтисодий ва дипломатик алоқаларнинг ҳарбий ҳамкорликдан устун туриши кераклигига ишонч билдирди.

24.kz.



## ҚОЗОҒИСТОН ВА ЎЗБЕКИСТОН: ҚЎШМА ЛОЙИҲАЛАР ИЖРОСИ МУҲОКАМА ҚИЛИНДИ

Қозоғистон Республикаси Бош вазири ўринбосари – Савдо ва интеграция вазири Серик Жуманғарин ва Ўзбекистон Республикаси Бош вазири ўринбосари Жамшид Хўжаев Қозоғистон Президентининг декабрь ойида Ўзбекистонга ташрифи чоғида имзоланган сармоявий битимлар ва савдо шартномаларининг бажарилишини муҳокама қилди, дея хабар беради primeminister.kz. сайты.



Томонлар қатор лойиҳалар амалга оширилаётганидан мамнун эканликларини қайд этдилар. Чунончи, Тошкент вилоятида логистика марказини барпо этиш бўйича шартнома имзоланган режалаштирилган. Лойиҳа 2026 йилгача амалга оширилиб, биринчи босқичи 70 миллион долларли сармояларни жалб қилишни назарда тутди.

Яна бир истиқболли қўшма лойиҳа Қозоғистон ва Ўзбекистон чегарасида «Марказий Осиё» халқаро саноат кооперацияси марка-

зани ташкил этишдир. Иншоотни «Атамекен» (Қозоғистон) ва «Гулистон» (Ўзбекистон) халқаро назорат-ўтказиш пунктлари ҳудудида қуриш кўзда тутилган.

Қозоғистон Республикаси Бош вазири ўринбосари ўзбекистонлик ҳамкорларига Қирғизистон билан чегарада шундай савдо-логистика маркази қурилиши ҳақида ахборот берди ва Ўзбекистон сармоядорлари ва ишбилармонларини ушбу лойиҳада иштирок этишга таклиф қилди.

Ўз навбатида, Ўзбекистон Бош

вазирининг ўринбосари Жамшид Хўжаев уни ҳамкорликда амалга оширишдан манфаатдорлигини маълум қилди.

Шунингдек, йиғилишда томонлар ўзаро алмаштирилаётган махсус лойиҳаларни муттасил етказиб беришни ташкил қилиш учун қўшма ташқи савдо компаниясини тузиш концепциясини маъқуллади. Ишчи гуруҳ иштирокчилари энергетика, транспорт, қишлоқ хўжалиги, электротехника саноати ва машинасозлик, инфратузилмалар қурилиши, фармацевтика, кимё каби

соҳаларда ҳамкорлик ва сармоявий лойиҳаларини амалга ошириш масалаларини кўриб чиқдилар.

Кооперация лойиҳаларини амалга ошириш ва импорт ўрнини босиш бўйича тизимли ишлар мониторингига бағишланган Қозоғистон-Ўзбекистон ишчи гуруҳининг навбатдаги йиғилиши 2023 йил март ойида Шимкент шаҳрида ўтди.

Вилоят минтақавий алоқалар хизмати.

## БАЙРАМГА – АНВОЙИ ГУЛЛАР ТУРКИСТОНЛИК ДЕҲҚОНЛАР ЎЗ ГУЛЛАРИНИ БАЙРАМ АРАФАСИДА СОТМОҚДАЛАР

Туркистон вилоятида гул етиштириш билан шуғулланаётган деҳқонлар март ойида нишонланадиган Халқаро хотин-қизлар байрами муносабати билан лола, атиргул ва лилия гулларини сотишга киришди. Ҳозир улар мамлакатнинг бир қанча шаҳарларидан буюртмалар қабул қилмоқда.

Сариоғоч туманида иссиқхоналарда маҳсулот етиштирилган деҳқонлар йилнинг тўрт фаслида мамлакатнинг барча ҳудудларига гул сотмоқда. Шунинг учун чегара ҳудуди «иссиқхоналар маскани» деб аталмоқда. Деҳқонлар гулларнинг унумдор ер, қулай иқлимдан самарали ҳолда фойдаланган бир неча турини етиштирмоқда. Гуллар Алмати, Астана каби йирик шаҳарларга ҳам етказиб берилмоқда. Байрам арафасида гулга талаб ортиши табиий.

Дербисек қишлоқ округидаги «Кўктем» деҳқон хўжалиги 8 йилдан буён лола етиштириш билан шуғулланади. Иссиқхона 1,30 гектар майдонни эгаллайди. Мазкур хўжалиқда 10дан зиёд одам Нидерландия лола навларини етиштиради. Тажрибали тадбиркорнинг айтишича, иссиқхонада йилга 120-130 минг туп лола етиштирилади. «Алия» деҳқон хўжалигида атиргулнинг «қора сехр» ва «голланд фридуми» навлари етиштирилади. Иссиқхонанинг майдони 4 гектарни ташкил қилади. 15 йилдан буён тадбиркорлик билан шуғулланиб келаётган деҳқон йилга 20-40 минг дона атиргул сотади.

Вилоят ҳокимининг матбуот хизмати.

### ТУРКИСТОН ВИЛОЯТИ АҲОЛИСИ ДИҚҚАТИГА!

Қозоғистон Республикаси Президентининг 2022 йил 3 мартдаги 826-сонли «Ҳокимларнинг аҳоли билан учрашувларини ўтказиш тўғрисида»ги Фармонининг ижроси доирасида Туркистон вилояти ҳокими Дархан Амангелдиули Сатибалдининг Арис шаҳри аҳолиси билан учрашуви 2023 йил 13 март куни соат 10.00да Арис шаҳридаги Маданият уйда, вилоят ҳокимининг шахсий қабули 2023 йил 13 март куни соат 11.00да Арис шаҳридаги Фахрийлар маркази биносида ўтади.

Шунингдек, Туркистон вилояти ҳокими Дархан Амангелдиули Сатибалдининг Ўтрор тумани аҳолиси билан учрашуви 2023 йил 13 март куни соат 15.00да Шаулдир қишлоғидаги Маданият саройида ўтади, вилоят ҳокимининг шахсий қабули 2023 йил 13 март куни соат 16.00да Шаулдир қишлоғидаги Маданият саройи биносида ўтади.

Вилоят ҳокимининг шахсий қабулига аввалдан ёзилиш учун 8(72533) 5-98-99 алоқа телефони ҳамда t.akimat@ontustik.gov.kz электрон почтаси орқали 2023 йил 12 мартгача соат 9.00дан 19.00 оралиғида (тушқи танаффус соат 13.00-15.00гача) амалга оширилади.

Тегишли ташкилотларнинг иштирокини таъминлаш ҳамда бевосита алоқа ўрнатиш мақсадида ариза берувчининг исми-шарифи, савол мазмуни, манзилгоҳ, алоқа телефони ҳамда электрон почта (бор бўлса) аниқ кўрсатилиши керак.







